

批判三

樊山批判卷六

批

恩施樊增祥嘉文

批李王氏呈詞

控詞離奇已極爾嗣子李朝鳳將爾地偷當與人復盜爾衣物携妻逃遁爾竟形同聾瞽不問不聞反將當地之薛興有控請拘究難保非母子商串先當後賴縱逃惶控候差拘爾子李朝鳳到案訊鞫

批樊一心兒呈詞

此景星高之詞也星高謀婚唆訟皆在本縣未到任之前現雖斂跡而樊薛之訟已成矣著靜候覈究

批姜福旺呈詞

據訴已悉爾等從前貪其酒食率爾為媒今見本縣法嚴遽詞脫卸惟事屬既往不必深究爾但証明其事可也

批孟如智呈詞

爾死有餘辜尚敢賄房壓稿五日以為飾病免解地步著即日起解前往倘再飾延即將該房書一併移解大務不貸

批劉吉升呈詞

污穢極矣耳不忍聞爾竟不愧不作一控再控實屬無恥之徒案已票傳姑准添劉廷亨質訊

批嚴居魁呈詞

據稱嚴繼財有地六畝先當給舉人李建照嗣於光緒十七年八月作價一百四十四串賣爾為業爾已同中向李應交錢贖地投稅印約播種麥禾無異李建照突於十八年麥季聽其外甥嚴遵得唆使

先收麥禾後退當價等語所控殊屬支離李建照如果霸業不捨從前即不應放贖既放贖則非霸業可知且舅舅收人之麥未必分給外甥嚴遵得何苦唆使既然十八年強收惡霸爾何以隱忍二年不行呈控此二年之糧是誰完納既云先收麥後收價畢竟於何日交錢爾曾否收受來呈於緊要關鍵一味含糊顯有不實不盡不准

批馮祖盛呈詞

多年陳債爾手中並無約據經本縣一堂斷結當下勒令田臨沅與爾還錢七十串下餘一百八十串流期清交此案若遇他人誰肯為爾如此追帳乃竟不知好歹因令田臨沅取保回家輒敢控稱保人不妥爾既如此小心當初放帳之時何不自尋妥保又稱田臨沅在三水置業收稞數千石仰即自赴三水縣控追本縣從此不管

批張張氏呈詞

爾子外質爾亦出外針工家留少媳幼孫託誰照管憑何過度六月六日被趙書娃將爾媳爾孫一齊拐去此是何人看見何人何日叫爾回家爾與人做活自必離家不遠何以初六拐人遲至二十三日始行呈控而又毫無中証信口開河畢竟書娃先姦後拐有誰作証著明白另呈覆奪

批李興呈詞

現在各班毫無規矩各自忿爭實屬不成事體總役郭升闖冗無能閭閻鼎沸大糧有誤咎將誰歸候堂訊從嚴懲斷

批雷振遠呈詞

該生等管處甚善即使過堂本縣亦是如此斷法著即傳諭李蔚坤得了便了大凡不跪公堂者必是

好諸生執意構訟者官司雖勝本縣已心薄之矣况王根根一介愚民勝之不武不如遵處省事為妙

批楊向田呈詞

據稱徐榮謙聘爾女海棠為妻以地六十畝作為聘禮今年所收糧食被伊霸賴等語查徐榮謙聘爾一女竟以祖業六十畝奉與丈人管業那有如此重聘明係爾種伊地以女為餌賴生賴業之心實屬無恥已極况既係聘禮何以十六年許婚直至十八年完婚以後始行撥地當初許地有無約據去年撥地有無中人此時紅根在誰名下來呈無証無據顯係欺訛不准

批楊克甲呈詞

爾等赶脚赴錢行店照規取用事須兩利不可偏枯若如所呈該行游魁順等過於剝削實屬非是候喚案訊斷

批賀傳氏呈詞

爾身為繼母目視僱工黃玉慶將爾前房之子賈德隆繩勒牙咬不行救阻反於爾子控准以後代黃玉慶訴究飾傷首逆實屬毒過豺狼廉恥道喪候逮案嚴懲

批田世興呈詞

韓冀氏被陳貴生竊去衣物韓羅氏之女傭膽敢窩賊分贓韓羅氏不知自反輒敢砌詞誣控詐稱失銀五十兩情殊刁劣茲據懇息令竊賊以地抵贓雖贓多地少事尚可行惟韓羅氏及其女傭未免輕縱仰原差協同原管勒令韓羅氏出錢五串代貴生補贓以為誣控者戒其僕婦即日驅逐出村不准逗遛如敢不遵准韓冀氏覆控嚴究

批阮玉積呈詞

爾與爾姪阮全財均以撐船度日在正順永船廠傭工與王振元孫金猪楊益滿一同經理船支不知爾姪因何與伊等言犯斯扭受傷斃命不通知爾私自掩埋等語情詞支離已極正順永船廠設於何地爾姪受傷身死在於何年何月何日何時當時既未通信爾從何處訪知既來告狀誰為見証船行水上無一日之停現在船泊何處來呈含糊已極不准

批朱春壽呈詞

情節支離殊難憑信查孟孫氏之女年僅十三爾何得接娶過門即此已徵不實去職經前任判斷將爾掌責且結在卷事隔半年有餘孫氏之女久在蔣家童養刻下想已圓房爾竟忽發顛狂稱欲再續鸞鳳無恥已極不准

批楊春金呈詞

爾等此案非將帳算清不能斷結而兩造各執爾請之人伊言不公伊請之人爾言不公似此任意紛紜兩造均應重責總之不能由伊亦不能由爾仰該房迅速查算開單送審勿延

批賀寶華呈詞

爾與賀俊同堂兄弟並列勝序且家有帳房其為素封可知乃因借麥四石之故挾嫌興訟已屬不值且借麥者係爾父受傷者係爾弟爾父自不來案而該生指控堂兄顯係恃矜好訟此案候親驗賀參儀傷痕無傷免傳傷重喚訊如果過堂著爾父爾弟面看該生賀寶華著謹守卧碑勿庸插案

批加增林呈詞

加世泰匯銀五百兩交加世斌轉交房價此銀從何處兌回爾何從得知是否有信給爾何不聲明作中係爾與世斌兩人現在銀存伊手該房主何以不索之於世斌而索之於爾爾既未抽吞當房主劉

錫階偏討之時儘可令其自向世斌討要爾何必替人告狀不佳

批權世彥呈詞

爾伯父於同治七年將銀三百兩借給閔定娃之父迄今二十六年從未向討直待爾伯伊父一齋亡故多年以後爾始出頭收帳已屬情理不敷閔定娃因爾向索遠年陳帳要看約據亦是人情爾與爾伯從前曾否分家爾伯故後豈無子嗣何以此債歸爾討要均未聲明凡屬含混爾因討債不償反被辱罵以致告狀查爾但知討帳而不持約要人還帳而不許看約閔定娃罵得甚是所控不佳

批臨潼民婦王張氏呈詞

古樂府云食梅始知酸行路始知難本縣亦云吃醋始知酸有妾始知難爾與爾夫王林修素來和睦因娶妾魏氏夫妻遂三次分家爾已隱忍一十六年因聞本縣折獄公平遂自臨潼投控然獨不聞清官難斷家務事乎現在臨潼傳縣主明允公廉與本縣至好而且舉案有相莊之雅後房無掩袖之人若斷此案一定公允仰即就近控訴越境殊可不必

批劉丙杰懇詞

爾祖爾父負鄭東巨款久久不還本屬咎有應得惟念爾祖父兩世均已物故爾兄弟久押班聽卒無一錢償債衡情處斷令爾自懇濟東爾承情彼亦積德乃遷延數月迄用無成在彼固心有不甘恐爾亦言之不善惟念羈累既久姑准暫回臨潼俗語云事緩則圓俟爾資東回心轉意時爾再前往懇情可也

批馬張氏呈詞

控詞殊不近情豈有刀匪持刀砍人而又自將刀械交與會看之理既云砍傷爾子又砍東溝一人其

人為誰何以不來喊控姑候驗傷再奪

批趙紅棗呈詞

據稱爾妻十六年被拐十七年五月尋見具控准喚未訊延今兩年有餘始行復控實出情理之外查十七年六月十九日曾經前任堂訊王金所娶鄭任氏並非爾妻訊明斷結在案何得埋藏前斷仍稱爾妻被拐無恥之徒著即駁逐出竟勿任胡鬧

批南德呈詞

班廳公用什物何以係爾一人所置有何憑據高春既係公差何能將王亂兒砍斃既係被控拿辦之人何以仍充副總爾既奉票緝凶何不立拿送案所稟糊塗已極候訊究

批樊玉呈詞

爾之得充班總來路不正是以閭班不服茲又與南德構衅候訊明主奪

批時進財呈詞

已據臨潼差役黃林稟該役奉票喚李吉內有該處武生李經兒率領多人將臨役寇昇毆傷甚重等語候質訊

批臨潼差役黃林稟詞

現據黑孝村時進財控爾等與李彥緒六月三十黎明時踏門入室失去銅錢兩串帖子五串並毆傷多人有鄉地李忠益等力阻可証並奪單鞭一根等語爾既隔屬傳人何以不來稟稟請添差實屬昏狂已極候驗傷嚴究

批張來祥呈詞

查爾前後兩呈自相矛盾前稱爾兄於十五年病重立爾子為嗣不日即故今又稱十五年立嗣十九年三月病故殊不可解前稱爾兄病中邀請親族言爾嫂有自幼乳養韓姓之子寄娃情難兩離等語既係自幼乳養茲何又云與爾嫂年歲相當似此任意胡言無非欺瞞親產著自將爾子收回爾嫂之事勿庸爾管至稱寄娃毆爾受傷明係誣飾姑准驗傷以窮爾奸誣之技仍不佳喚案以安彼孤寡之生

批王清耀呈詞

爾堂姪王保兒死後有無父母兄弟何以堂姪媳依堂叔同居茲因爾姪媳蘭氏再醮爾未得分肥遂以盜轉偷賣等情具控試問爾家之物果被伊盜轉一空爾何竟毫無知覺如其知之爾何以早不阻攔其為架捏訛賴可知至於蘭氏再醮其夫家既無親房則娘屋兄誼當主持其事爾不過王保兒本家叔叔耳當保兒娶妻之日爾未嘗持出聘錢則蘭氏再醮之時爾何得分受財禮著即抱頭縮頸斂迹回村毋得妄言討打

批趙炳智息詞

現又有朝邑客民劉天福喊控洪漢章即洪雲集到案已批併案傳究茲據稱雲集具控吳玉龍一案業經爾等處息仰即將劉天福所控一併管和取結夾呈以便一併批銷若三日不息即仰原差一併帶案聽究

批南夢娃呈詞

控情支離已極至稱爾叔南致奇將爾堂祖母遺柩揚屍毀骨尤為駭人聽聞候飭差協約查明復奪批張自新呈詞

張自勤素不安分其子虛娃想亦有父風本應喚案懲治姑念瓜果細故仰役協同原管量為處息母任蔓訟滋累

批張成彥呈詞

據稱爾母被人打死爾兄弟不為鳴冤報仇竟將母屍賣錢一百五十串而罷此何等悖逆之事尚敢因分財不均彼此興訟公然形諸呈詞是稟穢渾敦一門兼備候訊明重處不貸

批張耀呈詞

虧爾是箇增生去年被繼母首送在前任案下被責被押查取年貌幾乎被革今猶不愧不作來打官司可謂全無心肝者矣候訊畢再打打畢再革

批雷思敬晰詞

爾向爾兄要錢不給遂使董種兒拉爾兄牛隻旋經鄧彥春管息等語爾種拉兄牛已屬冒謬今又釀出董鄧打棍之事罪魁實由於爾昨據董獅子訴稱爾已將牛賣給董悅德償錢八串嗣又將牛給還爾兄董姓錢牛兩空而爾淨得八吊是爾為案中要被何能懇免著到案候訊嚴懲

批黃承和呈詞

爾母本月十二日三週著即回家過事事畢再來復訊結案

批黃成謙呈詞

爾之貪狡無恥本縣早已看破試問公道在人何以原管人等均向黃成和而不向爾爾因原管秉公查算不遂爾心又請批飭縣城約保同算其意以為帳一日不清則訟一日不結借此拖累承和快爾私憤且又勾串爾嫂鄧氏扛幫作証試問鄧氏現有夫男何以爾兄黃成基默不一言任聽爾嫂出頭

楠訟此帳着不必再算先將苗成謙管押俟承和故母三週事畢來案復訊斷

批李正呈詞

有地始有糧何以十七石土糧竟無寸土所稟糊塗已極既云廬芝太等互推現納十兩又係何人所出着明白另稟

批陳王氏呈詞

爾已嫁與家丁李世祿將陳恭將之田地毀賣一空祖先牌換成李姓早已天良盡絕此時忽稱與故夫燒紙陳恭將實不敢當案經覆喚候重打不貸

批趙定甲呈詞

爾有烟土不吃不賣各處寄放已屬無理爾既知李升子父子兄弟素行不軌何以將土寄放伊家據稱伊央爾盤槽爾向伊寄土盤槽事畢即應將土取回何以又遲數日始行往取被賴稱為賊偷去即使屬實亦是伊戚自貽至稱李升子等用鞭毆爾向爾要銀更屬無情無理不准

批趙春元呈詞

本年縣境雨水調勻綏豐有象河北故市等處本縣屢次經過秋苗均屬茂密何獨爾趙家一村天旱數月之久現值七月中旬大糧正緊定例夏災不過六月何得於各里踴躍輸將之會爾獨出此謊惑荒謬之言倘為上憲所知定干提究着即勉完 國賦勿得飾災取戾此飭

批孫萬益稟詞

孫建兆之妻偷人衣物當堂訊明飭令歸結了事乃猶不知羞愧定欲復訊挨打亦獨何心著原差協同各官人勒令孫建兆遵限前斷結償一半息事如違帶案聽比至孫萬鵬家有銀物鎖門而去並不

託人照管亦屬自不小心所稱下短銀兩細布是真是假孰得而知若再到公堂兩造均無好處勸爾自行了結為妙

批王趙氏呈詞

爾於本年四月二十九日呈稱贅婿牛謀兒煙賭胡為懇祈作主意在俾女另嫁經本縣批飭未准在案及成訟以後忽稱爾女已於去臘改嫁馬玉林為妻牛謀兒得錢四十串等語果有此情何以四月二十九日呈詞並未提及且馬玉林婚書內註媒人雷金明及雷姓到案則稱並不知道種種捏飾混帳實堪痛恨茲已斷將爾女另行嫁賣乃復忘廉喪恥懇仍歸馬玉林為妻實屬糊塗萬分至稱現在懷孕三月查牛謀兒原呈稱其妻五月初六被拐今才兩月有零何得有馬姓三月之孕尤徵虛飾不佳

批王彭齡呈詞

自正月開徵何以七月尚未破白伊固疲延爾亦玩誤候喚究

批淡成兒呈詞

爾可謂混帳麻木矣呈詞九糊塗無理查王萬雲既散拐人必非膽小畏事者何以因爾一控即將真情全吐爾已尋見爾妻案經控縣不難到堂環質何竟受拐匪抑勒甘心出錢十五串贖妻已不可解乃交錢而仍不還妻爾此時可復控矣何竟任李姓將爾妻霸住遷延兩載直待爾妻生子以後始來催案其辦事從容不迫天下無雙荒唐無恥亦古今少二明係賣妻復悔誣拐圖訖查例載原告兩月不到即將案查銷爾延不到案二十一箇月爾妻既嫁人而又生子尚有何說不佳

批邊時德呈詞

所呈荒唐已極據稱王文升於光緒十七年盤獲拐婦一口先賣給宋新德因與新德不和起門在外
人經文升說合賣與董龍兒龍兒病故文升又賣給爾近被文升串姦唆聞復於七月十三日糾人刁
搶未被搶去等語該婦被拐至此歷嫁三天究竟娘屋何姓係何處人均未聲叙爾三人三次買妻各
花錢若干其錢何人承受又不申叙王文升既愛此婦何如當初不賣既賣復搶事屬不情伊既起意
糾搶近在鄰村不難唾手而得何伊來搶之時剛值爾妻出宿於外何其巧也搶人之妻已干厲禁及
搶而不得復敢凶毆棒毀拿爾煙土是直與強盜無異矣惟被毆何未受傷毀物何不請驗爾家有無
煙土何人知証以云串姦則並未捉獲以云刁搶則爾妻現在此婦既來歷不明爾等皆混帳已極不
准併飭

批楊鏡烈呈詞

爾憑信義成兩里能有多大地方輒稱每里南北三十餘里東西五十餘里合兩里計之方圓一百六
七十里一併大旱歉收所稟荒唐已極查本年省東各邑惟吾渭最稱豐稔現在下忙喫緊關縣五十
四里莫不踴躍輸將若如該生等所言本縣徵存之銀從何而來如果天久不雨且有螞蚱五六月間
本縣兩次飭查何以早不稟報直待七月過半始請安輯流亡無病而呻深屬非是隣邑如蒲城富平
全境旱乾人所共曉卒未聞稟報災荒良以國賦攸關爾小民皆踐土食毛非必不得已總宜勉輸
正賦在蒲富且猶竭力而况渭南遠勝於彼乎所稟應毋庸議

批閔希賢呈詞

控人以初呈為定何得陸續添砌爾父惟跌昏迷何不請驗不佳

批李正德呈詞

爾身為原告自願興訟何又懇祈作主免爾妨農累訟試問誰妨之誰累之手似此刁劣糊塗上堂時先責百板再問本案

批李敬信呈詞

明係爾欠租不償劉世奇拿物抵稗爾即牽控二十餘人黑夜入鋪捲拿一空實屬刁妄已極試問昏黑之中來者二十六人爾何能一一認識查爾資東六月物故鋪中去爾一人看守似是停門光景爾以河南客民生意既歇又欠人租稗未清畢竟打算如何了局既在此地農商兼務已歷八年欠外欠膠葛必多何得隱匿真情飾詞掩陷不佳

批李正德呈詞

爾自己首先呈控何反怪他人拖累爾所控者即傳人所控者即免那有如此情理似此刁橫膽妄迭訊之日再加百板然後問案

批仕東北銀元恆等詞

去年時時求雨不聞議緩議蠲今年雨暘應時從未祈禱一次而竟敢於六月已過紛紛飾災倖澤實所不解從前雨澤不論即近數日正下透雨何得於雨中遽此苦旱之稟不佳

批徐升堂呈詞

代人借錢代人賠利不過口頭語耳何曾真有此事即使代賠亦不過一兩年而止若三年不償未有不成立訟者何徐益靈與爾借銀十兩爾竟甘心賠利至十四年之久為數至五六十兩之多既然如此是爾豪爽性成於人何與查培元堂本銀僅止十兩現在子大於母業已利市五倍從此即可作為罷論勿庸爾再作好人至徐益靈既被其父喚回作抱何能終避不面所呈大半虛捏著即自往尋討本

縣不管

批楊正賓呈詞

爾被竊並不稟報竟敢糾人隔縣搜賍昏狂已極現據曹寶兒以事差挾嫌累次訛詐呈控前來其言不無可信既稱賍在臨邑著即偕同井盛李德清赴臨潼控告以免本縣隔屬關提仰即遵照

批張李氏呈詞

爾子無端將妻捨與素不認識之王勞兒被其內兄控案本應斷離而爾媳堅稱姑媳恩深不肯另嫁是以本縣喚爾來案面詢定奪著候訊此案著明午送審

批張慎言呈詞

爾以襄陽人奉母命出門尋弟究於何日到此爾弟曾否尋著何以又在此訓蒙何日上館因致與既留爾課子何以將先生留住反使其子出外貿易爾以異鄉異客獨居馬神廟內學生不來東家不管爾竟將衣物置之廟內不託一人照管鎖門而去及三日後回廟衣物杳如黃鶴此爾自貽伊戚何憑何據指為田致興偷盜控詞無情無理顯係窮極無賴任口欺訛不准

批李克儉呈詞

佳其更替以恤衰老而均勞逸即仰豐源紳約人等另舉妥人接充倉正爾仍候接替有人交割清楚方可辭退

批校祥智呈詞

得得喜夫婦如此無理爾姐悵氣而斃爾與爾外甥宜何如忿恨乃反將爾外甥街房一院芝蔴地二畝撥伊管業伊猶不肯干休致爾姐身死不得安葬可謂世間怪事那有此矣其中必有分家不勻之

處惟李得意竟仇及死人亦屬可惡候飭差協約查明情節據實稟奪

批權天道呈詞

王趙氏一女兩嫁前夫牛而後夫馬彼此相爭推原其故由於其初輕信雷金鳴之言將其女王金鳳招牛謀兒為婿言明養老送終實則商州客民担賣潑糟何能供養因此家室勃給謀兒逐出質於外以致馬玉林棄隙而入先姦後娶居然夫唱婦隨謀兒歸來入宮不見以致控案本縣前堂訊明除各案犯分別責敵外將金鳳斷歸前夫仍令謀兒將其岳母迎歸奉養乃下堂後謀兒即將金鳳凶毆以致王趙氏喊控前來查趙氏母女反覆淫蕩誠屬無恥可恨然謀兒從前空人一箇贅入其家本屬便宜而又久不外歸致其母女以無依喪檢是金鳳淫奔謀兒實啟之矣今一味責其妻之不貞而自不責其無德無能無良無恥此時強合一處將來毆斃謀殺之事皆在意中是以本縣覆訊將趙氏母女及馬玉林二次分別重責照背夫逃走律將金鳳發官媒另行嫁賣亦不獲已之舉也聞爾來呈稱係孤身一人乏人造飯遵例出銀八兩將金鳳買去造飯等語可謂荒誕已極查金鳳此時雖由官嫁賣然其母依以為活有願娶者仍須與其母商通妻其女而養其母方於國法人情兩無所碍今爾權天道以富平民客擲銀八兩買去造飯在金鳳風流自賞豈肯為壘下之奴而趙氏窮老無歸勢將作溝中之瘠查爾姓名古怪作事粗疏若非轉販他鄉即係為玉林頂娶金鳳之事著傳諭官媒只准本地農商娶買仍須將其母一同養贍其有他鄉客籍雖照例出銀亦不佳娶此飭

批時宏德呈詞

控情支離萬分據稱十七年郭猴即為爾女作媒與王福生結親爾拒而不允另字別人究竟爾女已否出嫁女婿為誰一味含糊不叙今年七月十七日爾送女往親戚家行至中途被王福生糾領多人

將女刁去並奪爾煙土等語爾一弱女被許多壯男搶去此何等事而竟聽人攔管七日之久始來控案王福生既將人搶去何又送至郭猴即家中所呈均不可解姑候喚察察奪

批周清存稟詞

爾妻子均故重養媳王氏年已長成自應另行擇配其娘屋父王成何竟棄之如遺此女在爾家多年雖媳猶女仰即妥為議婚勿稍草率財禮准爾收受如王成將來來渭另著娶主付給追往前文此呈發房立案可也

批孫建兆呈詞

爾妻做賊眾証確鑿爾尚不自反反稱污名難當實屬無恥而狡著原差諭令按四成賠贍如違帶比

批王趙氏呈詞

爾女發官媒嫁費昨日當堂諭飭有人願娶者先向爾母女商明再行交價領人爾即隨其過度著即知照

批王彥林呈詞

爾可謂糊塗極矣爾妹乃雷天鳴子媳爾因其姑媳不和涉訟必欲令其翁始一齊到案不知爾妹將從此大歸乎抑仍為人婦乎若仍在雷家則此時結怨愈深將來折磨愈甚算計起來總是女家吃虧而且公公則請添媳婦則懇免是何道理不佳併飭

批李興呈詞

既係臨民何以早不稟請移關遲至一月有餘始以礙難傳喚搪塞實屬可恨已極李興著降卯五名仍著待文赴臨潼關提如再不到案責革不貸

批王繼春呈詞

為政無他不過與民同好惡今據爾九人公稟願將李萬全李玉璽點充鄉地事屬可行惟稱現在鄉地李進全李克己處事不公否則坐視不理究竟不公者何事不理者人係何事難保非任情憎愛偏遞稟詞且近來公稟往往十數人出名一二人來縣其餘多係捏寫今爾等既來具稟着稟中有名之人一齊到案聽候查詢點驗現在約地李進全等亦來案備詢

批石懷玉呈詞

此案以本縣揣之紀占彪之價當此地取其秋禾茂盛也爾以種成之地甘心出當與人因家事緊迫圖得現錢救急故也今秋稼未收而霍培成串爾以原價贖地紀占彪空出一回當價毫無利息不肯放贖或即為此以情理而論紀姓當地多日未食其利霍姓今日贖地今日即可收秋世間會佔便宜者無過霍培成矣此案不必喚訊即以一批了結地佳霍培成贖去其地內秋禾著紀霍兩家各收一半勿再爭訟此飭

批白川成呈詞

控情支離已極爾婦嫂孀女拾花在爾家住宿爾被王世祿喚去遭白晝官黃夜撬門進內偷去棉花五捆復將爾婦嫂刁去等語查王世祿喚爾說話何至整夜不歸致賊人乘隙而入二十日夜間將人刁去何以遲至三日後始控此三日中自應打聽確實寡婦母女被搶非若贓物可以隱藏何以云不知去向其中定有別情姑候喚案究奪

批石懷玉呈詞

既然霍姓之地霍姓備價爾即收價釋約完事何等爽利何以紀占彪從中霸贖爾即甘心當給如果